

Bloke Sindical a dicidi pa bay Corte riba asunto di Indexering

ORANJESTAD (AAN) — Presidente di Sindicato di Polis (SPA), señor Erick Zaandam, den entrevista cu DIARIO a confirma cu siman (prome cu Siman Santo) e Bloke Sindical a reuni relaciona cu e asunto di indexering, y cu eyan un decision a ser tuma.

Durante e reunion aki, cu a conta cu presencia di tur sindicato envolvi, a bin cierto puntonan dilanti unda cu e bloke sindical no a keda conforme cu e contenido di dos carta, un cu nan a ricibi for di Minister di Finanzanan y e otro for di Minister Presidente.

E sindicalista a remarca cu e carta cu Minister Presidente ta casi un copia di esun cu Minister di Finanzanan a manda pa e sindicatonan.

E bloke sindical no a keda satisfecho cu e contesta cu e mandatarionan a duna nan, unda cu nan a pidi pa sinta na mesa negocia y haya e cifranan real cu nan a solicita, locual no a resalta den ningun di e cartanan menciona.

Zaandam a subraya cu e mandatarionan a laga sa cu nan lo bay Staten pa haya aprobacion di 14.1 miyon riba presupuesto, y pa evita esaki prome cu sinta na mesa cu gobierno y pa haya e cifranan real, bloke sindical a dicidi den dicho reunion pa bay Huez pa pone e exigencia pa e mandatarionan sinta na mesa cu e sindicatonan y trece e cifranan real, pasobra tur tres



escenario cu nan a manda pa bloke sindical ta diferencia for di otro.

Esaki ta muestra cu den seno di gobierno mes tin expertonan cu ta bruha den cifra y ta manda esakinan asina pa e bloke sindical locual pa e sindicalistanan ta inacceptable.

Pa tal motibo, cu prueba, nan ta bay Huez y nan ta spera cu Huez tambe por nombra un experto apart, y neutral, cu por aclarea e cifranan pa e gremio sindical por sigui negocia cu gobierno sinta na mesa.

Si gobierno ta bay Parlamento esey ta nifica cu nan ta bay aproba un

alternativa cu bloke sindical no a aproba ainda, a base di locual gobierno a propone cu ta un suma di 14.1 miyon florin cu nan kier ehecuta y forza contra boluntad di e sindicatonan.

Segun Zaandam, unico forma di para esaki ta bay Huez y wak kico esaki ta bisa.

E temor di e sindicatonan ta cu gobierno tin 12 miembro di nan Partido den Parlamento, cu si ta bay aproba lihe locual gobierno ta propone. Pesey e bloke sindical ta bay Huez pa evita esaki, y segun nan tin entendi ya caba e abogado concerni cu ta representa e gremio sindical a entama un caso den Corte di Apelacion, y nan ta wardando pa Huez lanta e caso ak' pa cuminsa e proceso.

DIARIO a puntra señor Zaandam su opinion tocante e posicion di e lider di SEPPA, sra. Brito, kende a duna di conoce cu mester duna gobierno e beneficio di

duda y tog bay Parlamento. Segun Zaandam bay Parlamento no ta nifica stop e negociacion ni lanta e Caso, pero esaki ta nifica automaticamente, cu e Comision Central di Staten lo scucha e sindicatonan, locual ta un procedure normal. Pero solamente bloke sindical ta bay Huez pa esaki exige gobierno negocia cu e sindicatonan na mesa y bin cu e cifranan real.

E lider di SPA ta convenci cu den un pais democratico manera Aruba, Parlamento sigur lo scucha e bloke sindical cual ta bay presenta

pakico nan kier sigui negocia, y ademas si tin un procedure negativo tin e opcion di bay Huez, kende ki bay studia e caso y dicta su sentencia segun e peticion cu e sindicatonan a haci.


E sindicalista a subraya cu e reunion general cu a tene cu miembronan di Cuerpo Policial tabata no oficial, pero nan a haya tur informacion corecto cu tin, y nan ta pendiente di e caso den Corte y di e reunion cu Comision Central di Parlamento pa trata e asunto di indexering y con esaki lo resulta.

Tur oficina di post lo ta cera awe

ORANJESTAD (AAN) - En conexcion cu un reunion interno di sumo importancia cu ta rekeri presencia di tur empleado, tur oficina di post lo ta cera Diaranzon awor, 30 di maart 2005. Gerencia

ta pidi disculpa pa cualkier inconveniencia y ta pidi consideracion di un y tur pa tene debito cuenta cu esaki. Tur oficina lo resumi nan orario normal di operacion diahuebs mainta atrobe.

HENDE DRECHI TAMBE SA BRUHA!!



BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



**Sewing Machine
Special Price**

Awe no
Paola a
pabien,
di su
mama G

Awe y
KOCK, t
bida. Feli
su, Sra. M
y Vivian.
Mario.
Alexon y
Stephany
bisanieto
rumannan
Booi, stal
Caruso
Gravenho
tambe di
Tur ta ma
pa Mario.
cu Dios d
Mario aw
semper y
DIARIO.